

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), na prijedlog Službe za zajedničke poslove, Vlada Zeničko-dobojskog kantona, na 17. sjednici, održanoj dana 08.08.2019. godine,
d o n o s i

ZAKLJUČAK

I.

Zadužuju se sva kantonalna ministarstva i druga tijela kantonalne uprave i kantonalne upravne organizacije Zeničko-dobojskog kantona, da Službi za zajedničke poslove dostave pregled zahtjeva uposlenika kao eventualnih oštećenika koji potražuju nadoknadu štete od posljedica nesretnog slučaja (nezgode), invaliditeta ili smrti, za period od 06.09.2017. do 26.01.2018. godine, u kojem nije postojao potpisan ugovor za kolektivno osiguranje uposlenika Zeničko-dobojskog kantona.

Spiskove sa kompletnom dokumentacijom vezano za nastanak određenog slučaja i sa obaveznim procijenjenim iznosom štete od nadležne osiguravajuće kuće, dostaviti Službi za zajedničke poslove u roku od 30 dana od dana donošenja ovog zaključka.

II.

Zadužuje se Služba za zajedničke poslove da prikupi i objedini dostavljene zahtjeve za nadoknadu štete od posljedica nesretnog slučaja (nezgode), invaliditeta ili smrti, za period u kojem nije postojao potpisan ugovor za kolektivno osiguranje uposlenika Zeničko-dobojskog kantona.

Objedinjen i sveobuhvatan pregled zahtjeva, Služba za zajedničke poslove će dostaviti Vladi Zeničko-dobojskog kantona, na odlučivanje za eventualnu isplatu štete, imajući u vidu odredbe člana 35. tačka (5) Zakona o plaćama i naknadama u organima vlasti Zeničko-dobojskog kantona („Službene novine Zeničko-dobojskog kantona“, broj: 1/18).

III.

Za kantonalna ministarstva i druga tijela kantonalne uprave i kantonalne upravne organizacije Zeničko-dobojskog kantona koja, zbog opravdanih razloga, ne budu dostavila zahtjeve za nadoknadu štete s procijenjenim iznosom štete od nadležne osiguravajuće kuće, procjenu iznosa štete od nadležnih osiguravajućih kuća pribavit će Služba za zajedničke poslove na osnovu podnesenog zahtjeva organa iz tačke I. ovog zaključka.

IV.

Zadužuje se Služba za zajedničke poslove da troškove procjene iznosa štete od posljedica nastanka određenog štetnog događaja, kao i troškove određivanja procenta invaliditeta osiguranika kao posljedice nesretnog slučaja, a koje Služba pribavi od nadležnih osiguravajućih kuća u skladu sa tačkom III. ovog Zaključka, isplati iz Budžeta Službe za zajedničke poslove, sa razdjela 13, budžetska organizacija 01, potrošačka jedinica 001, ekonomski kod 613800 (Izdaci osiguranja i bankarskih usluga) i 613900 (Ugovorene i druge posebne usluge).

Broj: 02-_____/19
Datum, 08.08.2019. godine
Z e n i c a

PREMIJER
po ovlaštenju

Mirnes Bašić

DOSTAVLJENO:

1x Služba za zajedničke poslove,
1x Svim ministarstvima i drugim tijelima kantonalne uprave,
1x a/a.